

Guangjisi Minzcu Bau

ganbbau: CN45-0036 B.2013 Nd.4 Ng.17 liggaueq gveiqceib nienz ndwensam cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3069期

Dwzbaui Yen Aeu “Feihyiz” Senh- conz Dangj Cibbet Daih Cingsaenz

德保县巧用“非遗”宣传十八大精神

Vih haeujlaeg bae hagsib senhconz Dangj Cibbet Daih cingsaenz, Dwzbaui Yen leihyung Heiquengh baihnanz nem fwen daengj feihvuzciz vwnzva yizcanj senhconz Dangj Cibbet Daih cingsaenz, doenggvaq gij fuengsik gig sengdoengh, miz daegsaek haenx daw Dangj Cibbet Daih cingsaenz cienz daengz ndaw sim gak cuz ginzung bae.

Daw Dangj Cibbet Daih cingsaenz, bouxdenjingz nem saeh-senhcin bien baenz Heiquengh,

siujbinj nem foux daengj, gaihcanj “bak ciengz Heiquengh byaujyenj” hozdung, aeu gij yisuz hingz sik ndawbiengz vunz lai gyaenz haenx senhconz Dangj Cibbet Daih cingsaenz. Ciuq gyoepsuenq, dai Dangj Cibbet Daih ciuhai daeuj, aen yienh neix youq ndaw yienhsingz, yangh(cin), cunh(segih), mbanj nem giyez vih ginzung yienjok Heiquengh 38 ciengzbaez, bouxyawj miz 12 fanh vunzbaez.

Aeu haeujlaeg saedhengz “bak ciengz eu fwen doxdax” guh gihvei, dap

hwnj aen bingzdaiz senhconz Dangj Cibbet Daih cingsaenz, leihyung ngoenzhaw ndaw yienhsingz nem yangh(cin), ngoenzciet hawfwen conzdungj, ngoenzciet hung nem gak loih cietgingq hozdung ndaw mbanj daengj gawjbanh Dangj Cibbet Daih ciendaenz eu fwen doxdax, yienq gak cuz ginzung senhconz Dangj Cibbet Daih cingsaenz. Daengz dangqnaej, aen yienh neix gungh banh ciendaenz eu fwen doxdax hozdung 45 ciengz, miz 15 fanh ginzung saujsu minzcuz camgya. (Nungz Yungjifang)

SIUSIK DINJ

简讯

● 4 nyied 12 hauh, Nanzningz Si youq Cinghsiu Gih Funglingjbwz Segih “Ranz Minzcuz” gawjhengz ndawsingz minzcuz cihsiz hozdungcouh gijdung yizsi. Baez hozdung neix guh couh he. Youq gwnz yizsi, si minzveij fat baiz ranz minzcuz hawj 11 aen segih, vanzlij soengq bonj 《Minzcuz Fazgveih Cwngcwz Cihisiz》dem.

(Liuz Sezbingz)

● 4 nyied 12 hauh banhaemh, Sanglinz Yen daih ‘it gaiq’ va mbanj Yauzcuz vwnzyi vanjvei youq Cinhih Yauzcuz Yangh Lungzgvei Cunh gawjhengz. Baez vanjvei neix cujyau miz ciengqgo diuqfoux, yienh ‘ok le dai ndaem va’ gimngaenz daeuj gyoengq beixnuengx Yauzcuz youz gungzhoj bienq fouqmiz, caemhcaiq maqmuengh saedceij engq ndei.

(Lij Dauyungj Vangz Ganghdenh)

● 4 nyied 9 hauh, Cungzcoj Si ciet hawfwen eu fwen doxdax cingq sik heijguh lo, 37 aen daiyaujdui dai 7 aen yienh(si, gih) daeuj haenx camgya doxdax, bouxbouxcungj doxdax eu ndei, hawj bouxyawj bouxdingq sim gig maez.

(Liengz Cenzdungh Maj Swngcih)

● Vih caenh ‘itbouh daezsang minzcuz ganbu suciz nem minzcuz gunghcoz suiyingz, 4 nyied 8 hauh, Bwzswz Si Siveij Cujcizbu nem Si Minzveij baij 70 lai boux ganbu saujsu minzcuz camgya daihseiq geiz fuzbinz haifat naengzlig gensez beizyinbanh, baez beizyinbanh neix youz Cunghyangh Minzcuz Ganbu Yozyen gawjbanh.

(Cinz Yicungh)

● Youq bineix guh hong ndaemcin ndawde, Bingzgoj Yen gak gaep dangiveij cwngefuj nem mizgven bumwnz gyadaih ligdoh bangfuz, daengx yienh ginzung cagaenj dajndaem. Dangqnaej, daengx yienh gaenq guhsat dajndaem haeuxyangz 173000 moux, haeuxnaz 131100 moux, gosangh 12121 moux.

(Vuz Anhginh)

Lungzlinz: “Sam Nyied Sam” Doxcomz Eu Fwencuengh

隆林: 举办“三月三”壮族歌会



4 nyied 12 hauh daengz 14 hauh, dwg ciet ‘sam nyied sam’, Lungzlinz Gak Cuz Swciyen youq yienhsingz minzcuz vwnzva dijyuz gvangjancz banh eu Fwencuengh hozdung, vunz lai comz daeuj angq gvaq ngoenzciet. Baez hozdung neix aeu “doedok daegsaek minzcuz, hungzyangz vwnzva conzdungj” guh cawjdaez. Geij ngoenz haenx, yienh-cienz vunz cien vunz fanh, gij Heiquengh ndawbiengz byaujyenj, eu fwen doxdax, doiq fwen, minzsuz baijyienj, vwnzyi Bouxcuengh yienjok daengj hozdung ndei yawj raixcaix, bouxyawj cungj naeuz gvaqyinx. Ndaw doz dwg hozdung yienhcieingz.

(Yangz Dwnggliengz Vangz Haijgez ingj)

Ningzmingz Yen Nazganh Yangh Roengz 3400 Fanh Maenz Vih Vunz Henzguek Banh 7 Gienh Saehsaed

宁明县那堪乡投入 3400 万元为边民办好 7 件实事

Daj bineix daeuj, Ningzmingz Yen Nazganh Yangh yawjnaek minzswngx gunghcwnz gensez, roengzrengz gajndeij henzguek gak cuz ginzung swngchcanj swngghoz diuzgen. Daengz 3 nyied daej, aen yangh neix gungh roengz 3434.3 fanh maenz, vih ginzung henzguek banh ndei 7 gienh saehsaed saehndei.

It dwg gajndeij gyauhdungh diuzgen. Roengz 2147.7 fanh maenz, hwnjguh giuz moq 3 aen caeuq roensuijniz 11 diuz 165 goengleix, gajndeij gyauhdungh henzguek.

Ngeih dwg gyamaenh suiqli gihcujs sezsih. Roengz 673.3 fanh maenz, gyagiengz suiqli gunghcwnz gensez, vih nungzyez dingj rengx bauj lai sou daezhawj baujjang. Sam dwg hwnjguh gizdieg vwnzva hozdung. Roengz 56.7 fanh maenz, hwnjguh lajmbanj lanziugcangz 8 aen, daizheiq 4 aen nem yezlanjsiz 4 aen, fungfouq ginzung cingsaenz vwnzva swngghoz. Seiq dwg gajndeij gij bangungh diuzgen cunhveij. Roengz 154.3 fanh maenz, hwnjguh bangunghlouz cunhveij, dangjveij, saedyienh cunh-

cunh miz bangunghlouz. Haj dwg hwnjguh gwnraemx gunghcwnz. Roengz 20.5 fanh maenz, gensez vunz caeuq doihduz gwnraemx gunghcwnz 2 aen, daezsang ginzung swngghoz cizlieng. Roek dwg sien fazcanj gyauyuz saehnieb. Roengz 270 fanh maenz, hwnjguh ranz lauxsae, fandanz, cawx sezbei saw, sonhag daengj. Caet dwg gensez nungzyez sifan gihdi. Roengz 111.8 fanh maenz, hwnjguh reih ‘oij gauhyau dwkraemx sifan gunghcwnz, coicaenh nungzyez fazcanj. (Hoz Bingswng)